

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj 7/10), a u vezi sa članovima 47. i 51 Zakona o izvršavanju Budžeta Zeničko-dobojskog kantona za 2014. godinu, („Službene novine Zeničko-dobojskog kantona“, broj 15/13), na prijedlog Ministarstva za privredu, Vlada Zeničko-dobojskog kantona, na 149. sjednici, održanoj dana 12.02.2014. godine, d o n o s i

## **ZAKLJUČAK**

### **o usvajanju Programa utroška budžetskih sredstva od koncesija u 2014. godini**

#### **I.**

Usvaja se Program o utrošku budžetskih sredstava od koncesija u 2014. godini Ministarstva za privredu Zeničko-dobojskog kantona, u iznosu od 650.000,00 KM (slovima: šeststotinapdeset hiljada konvertibilnih maraka), koji čini sastavni dio ovog zaključka.

#### **II.**

Sredstva iz tačke I. ovog zaključka realizovat će se u skladu sa odobrenim mjesečnim operativnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade Kantona.

#### **III.**

Zaključak stupa na snagu danom donošenja.

Broj: 02-\_\_\_\_\_ /14.

Datum, 12.02.2014. godine

Z e n i c a

**PREMIJER**

DOSTAVLJENO:

1x Ministarstvo za privredu,

1x Ministarstvo finansija,

1x a/a.

*Munib Husejnagić, dipl.ing.maš.*

Bosna i Hercegovina  
Federacija Bosne i Hercegovine  
**ZENIČKO-DOBOJSKI KANTON**

**MINISTARSTVO ZA PRIVREDU/GOSPODARSTVO**



Bosnia and Herzegovina  
Federation of Bosnia and Herzegovina  
**ZENICA-DOBOJ CANTON**

**MINISTRY OF ECONOMY**

**PROGRAM  
UTROŠKA BUDŽETSKIH SREDSTAVA OD KONCESIJA  
U 2014. GODINI**

Zenica, februar 2014. godine

## UVOD

Izrada Programa utroška budžetskih sredstva u 2014. godini-Realizacija projekata Vlade koji se finansiraju iz prihoda od koncesija, propisana je članovima 47. i 51. Zakona o izvršavanju Budžeta Zeničko-dobojskog kantona za 2014. godinu ("Službene novine Zeničko-dobojskog kantona", broj: 15/13 od 31.12.2013. godine)

Izvori finansijskih sredstava po osnovu koncesionih naknada utvrđeni su koncesionim ugovorima potpisanim između Ministarstva za privredu i pojedinih privrednih subjekata koji su se odlučili na istraživanje i eksploataciju čvrstih mineralnih resursa.

Raspodjela prihoda od koncesione naknade je vršena prema Odluci Vlade Kantona u omjeru 70% prikupljenih sredstava pripada općinama na čijoj teritoriji se vrši eksploatacija i 30% Kantonu. Upravljanje sredstvima obavljali su Ministarstvo za privredu i općine prema vlastitim Programima utroška za svaku godinu.

## IZVOR FINANSIRANJA

Budžetom Zeničko-dobojskog kantona za 2014. godinu, („Službene novine Zeničko-dobojskog kantona“, broj: 15/13 od 31.12.2013. godine) utvrđena su finansijska sredstva, ekonomski kod 614 100-Grantovi drugim nivoima vlasti, odnosno subanalitika IAD002-Realizacija projekata Vlade koje se finansiraju iz prihoda od koncesija u iznosu od 650.000,00 KM

## ALOKACIJA SREDSTAVA

Imajući u vidu raspoloživa sredstva, Ministarstvo za privredu je planiralo utrošak utvrđenih sredstava na sljedeći način:

### 1. Sufinansiranje uspostavljanja industrijskih/poslovnih zona

**Iznos: 150.000,00 KM**

#### **Svrha:**

Ministarstvo za privredu je u 2008. godine sačinilo Projekat organizacije poslovnih zona na području Zeničko-dobojskog kantona. U 2009. godini je sufinansirana izrada projektne dokumentacije za šest poslovnih zona, u 2011. godini su započete aktivnosti izgradnje zona.

U tom smislu organizirano je anketiranje općina sa područja Kantona, nakon čega je sačinjeno Uputstvo o postupcima i kriterijima za odobravanje i dodjelu sredstava poticaja namijenjenih subvencioniranju troškova organizacije i izgradnje poslovnih zona na području Zeničko-dobojskog kantona. Tokom 2014. godine bit će nastavljeno sufinansiranje izgradnje zona, te aktivnosti na realizaciji pojedinačnih marketing planova.

**Organizacija – primalac:** Općine Zeničko-dobojskog kantona

**Kriterij uspostavljen u :**

- Uputstvo o postupcima i kriterijima za odobravanje i dodjelu sredstava poticaja namijenjenih subvencioniranju troškova organizacije i izgradnje poslovnih zona na području Zeničko-dobojskog kantona
- Javnom pozivu za korištenje poticaja.

## **2. Zahtjevi lokalnih zajednica**

**Iznos: 50.000,00 KM**

Odlukom Vlade Zeničko-dobojskog kantona, dio sredstava koje koncesionari uplaćuju kao koncesionu naknadu se transferira prema općinama na čijem teritoriju se vrši eksploatacija, a iz drugog dijela sredstva se potpomaže finansiranje određenih projektata u općinama Kantona. Ti projekti su limitirani uslovom da se radi o zahvatima koji imaju direktnu ili indirektnu vezu sa eksploatacijom mineralnih sirovina od strane privrednih subjekta koji su koncesionari i koji redovno uplaćuju koncesionu naknadu.

Dio koncesione naknade se planira prebaciti prema općinama Kantona i u 2014. godini kao podrška kod istraživanja vode za snabdijevanje pojedinih općina, zbog teške situaciji sa vodosnabdijevanjem.

Tokom godine, prema zahtjevu pojedinih mjesnih zajednica u općinama, pomaže se realizaciji projekta sanacije puteva i drugih komunalnih objekata koje upotrebljavaju koncesionari. Ovi putevi su devastirani i uništeni kamionskim transportom i teškom mehanizacijom koncesinara, tako da se dio sredstava izdvaja za njihovu adaptaciju i rekonstrukciju.

**Organizacija – primalac:** općine Kantona

**Kriterij:** Odluke Vlade

## **3. Provođenje postupka nadzora i realizacije koncesionih ugovora**

**Iznos:20.000,00 KM**

### **Svrha:**

Svi koncesioni ugovori sadrže mogućnost i obavezu kontrole i utvrđivanja eksploatisanih količina mineralnih i drugih resursa.

Posebno značajno je precizno utvrđivanje i sa predstavnicima privrednih subjekata utvrđivanje eksploatisanih mineralnih resursa. Stoga je neophodno povremeno izvršiti geodetska mjerenja kamenoloma, angažmanom ovlaštenih organizacija odabranih Javnim pozivom.

Pored navedenog, dio sredstava će biti upotrebljen za finansiranje nadzora koncesionara putem Komisije za kontrolu koncesionih ugovora i Komisije za utvrđivanje javnog interesa i provođenja postupka dodjele koncesija.

**Organizacija – primalac:** Najpovoljniji ponuđači za provođenje mjerenja i Komisije

**Kriterij:** Elementi utvrđeni Javnim pozivom i Odluke Vlade

## **4. Sufinansiranje izgradnje hidrotehničkih objekata za izmještanje toka rijeke Ribnice, u općini Kakanj**

**Iznos : 100.000,00 KM**

### **Svrha:**

U svrhu nesmetanog razvoja kopa "Vrtlište" RMU "Kakanj", te otvaranja i rada kamenoloma "Šuplja stijena-Subotinje" za potrebe Tvornice cementa "Kakanj" d.d., Zeničko-dobojski kanton, RMU "Kakanj" i Tvornica cementa "Kakanj" su potpisali Ugovor o izgradnji i finansiranju hidrotehničkih objekata za izmještanje rijeke Ribnice u općini Kakanj, broj:02-14-27767/03 od 31.12.2003. godine, sa ukupnom vrijednosti od 3.375.000,00 KM, s tim da Zeničko-dobojski kanton učestvuje sa 33,33% ili 125.000,00 KM.

Navedeni iznos Zeničko-dobojski kanton je trebao obezbijediti iz prihoda od koncesija za 2003. 2004., 2005.,2006.i 2007.godinu. Transfer sredstava za sufinansiranje izgradnje tunela u iznosu od

200.000,00 KM Kanton je izvršio prema Rudniku mrkog uglja "Kakanj" Odlukom Vlade , broj:02-14-4795-1/04 od 16.03.2004. godine.

Međutim, zbog niza tehničkih problema i novih momenata koji su rezultat dešavanja "in situ" (novoizgrađeni objekti u dolini rijeke Ribnice, novoizgrađeni put Donji Kakanj-Brnjic, kamenolom "Šuplja stijena" vlasništvo Tvornice cementa "Kakanj") moralo je doći do izmjene uslova eksploatacije , tehnologije i izgradnje na PK "Vrtlište" što je iziskivalo potrebu novog projektnog rješenja eksploatacije na predmetnoj lokaciji.

Prema Izvještaju o realizaciji Ugovora o izgradnji i finansiranju hidrotehničkih objekata za izmještanje rijeke Ribnice, broj:11665/05 od 28.11.2005. godine, urađena projektna dokumentacija sa svim pratećim segmentima (projekti, revizije, konsultanti, geodetski radovi) je koštala 173.382,08 KM. Takođe, paralelno sa ovim radovima urađen je dio saobraćajnice prema hidrotehničkim objektima lokaliteta Ribnica, tako da je do sada na realizaciju ovog projekta ukupno utrošeno 193.209,93 KM.

Za nastavak radova na predmetnoj lokaciji je neophodno uraditi Elaborat o uslovima izgradnje vodoprivrednih objekata odlagališta Ribnica, a potom ubrzati aktivnosti na pribavljanju dozvola, saglasnosti i odobrenja na osnovu urađene dokumentacije. Paralelno sa ovim aktivnostima neophodno je uraditi Projekt infrastrukture za početak radova, organizovati radnu grupu za izvođenje radova, te raditi na nabavci potrebne opreme za izvođenje radova, rješavati imovinsko-prave odnose.

**Organizacija – primalac:** RMU "Kakanj"

**Kriterij:** - Ugovor od 31.12.2003. godine

- Izvještaj o realizaciji-izgradnji objekata

## **5. Finansiranje troškova energetske efikasnosti javnih građevinskih objekata**

**Iznos : 300.000,00 KM**

### **Svrha:**

Ovim programom finansira se dio troškova utrošen za povećanje energetske efikasnosti javnih građevinskih objekata.

Pod građevinskim objektom od interesa za Kanton podrazumijeva se javna građevina s krovom i zidovima u kojoj se koristi energija radi ostvarivanja određenih klimatskih uslova, namijenjena boravku ljudi. Korisnici ovog poticaja su institucije-vlasnici objekata koje su obezbijedile upotrebnu dozvolu za objekat, ugovore za energetske certifikiranje i izvođenje utopljanja objekata, energetske certifikat, izdate od ovlaštenih organa prema Pravilniku o energetske certifikaciji ("Službene novine Federacije Bosne i Hercegovine, broj: 50/10), te zapisnik o izvedenim radovima.

**Organizacija – primalac:** Vlasnik objekta

**Kriterij:** Uputstvo o postupku i kriterijima, Javni poziv, Odluka Vlade Kantona

## **6. REZERVA**

**Iznos : 30.000,00 KM**

### **Svrha:**

Sredstva rezerve se mogu koristiti isključivo za projekte kompatibilne izvora sredstava.

**Organizacija – primalac:** Korisnik poticaja

**Kriterij:** Odluka Vlade Kantona

## REKAPITULACIJA

R.br.	Naziv programa	Planirana sredstva /KM/
1.	Sufinansiranje uspostavljanja industrijskih/poslovnih zona	150.000,00
2.	Zahtjevi lokalnih zajednica	50.000,00
3.	Provođenje postupka nadzora i realizacije koncesionih ugovora	20.000,00
4.	Sufinansiranje izgradnje hidrotehničkih objekata za izmještanje toka rijeke Ribnice, u općini Kakanj	100.000,00
5.	Finansiranje troškova energetske efikasnosti javnih građevinskih objekata	300.000,00
6.	Rezerva	30.000,00
<b>UKUPNO:</b>		650.000,00

Pojedinačni trošci sredstava, izuzev ranije stvorenih obaveza gdje je to već učinjeno, regulisat će se posebnim aktima, koji će sadržavati kriterije i način trošenja sredstava.

Zbog karaktera projekata dopušteno je prelijevanje sredstava, zavisno od potreba i stepena realizacije pojedinih projekata.

Geomagnetno i radiomagnetno snimanje Zeničko-dobojskog kantona.

Broj: 02-\_\_\_\_\_ /14.

Datum, 12.02.2014. godine

Z e n i c a

**PREMIJER**

DOSTAVLJENO:

1x Ministarstvo za privredu,

1x Ministarstvo finansija,

1x a/a.

*Munib Husejnagić, dipl.ing.maš.*